



Broj: 01-50-1-15-44/09.

Sarajevo, 22. januara 2009. godine

**DOM NARODA
PARLAMENTARNE SKUPŠTINE
BOSNE I HERCEGOVINE**

PREDMET: O b a v j e š t e n j e

Predstavnički dom Parlamentarne skupštine BiH je, 21. 1. 2009., održao svoju 44. sjednicu.

Obavještavam vas o razmatranju materijala koji su u nadležnosti i Doma naroda. Razmatrane su sljedeće tačke dnevnog reda:

1. Prijedlog zakona o izmjenama i dopunama Zakona o zaštiti tajnih podataka, predlagač: Zajednička sigurnosno-obavještajna komisija za nadzor nad radom Obavještajno-sigurnosne agencije BiH (drugo čitanje);
2. Prijedlog zakona o izmjenama i dopunama Zakona o Obavještajno-sigurnosnoj agenciji BiH, predlagač: Zajednička sigurnosno-obavještajna komisija za nadzor nad radom Obavještajno-sigurnosne agencije BiH (drugo čitanje);
3. Prijedlog zakona o genetski modificiranim organizmima, ponovno otvaranje rasprave u drugom čitanju nakon usaglašavanja amandmana po novim aspektima;
4. Prijedlog zakona o dopuni Zakona o carinskoj tarifi BiH (prvo čitanje);
5. Prijedlog zakona o izmjenama i dopunama Zakona o državljanstvu BiH (prvo čitanje);
6. Prijedlog zakona o kontroli kretanja oružja i vojne opreme (prvo čitanje);
7. Prijedlog zakona o graničnoj kontroli, s Mišljenjem Zajedničke komisije za odbranu i sigurnost;
8. Prijedlog zakona o oružju, s Mišljenjem Zajedničke komisije za odbranu i sigurnost;
9. Izjašnjavanje Doma o ponovnom zahtjevu Zajedničke komisije za odbranu i sigurnost za produženje roka za dostavljanje izvještaja o Prijedlogu zakona o izmjenama i dopunama Zakona o proizvodnji naoružanja i vojne opreme;
10. Izvještaj komisije Kolegija o nastojanju za postizanje saglasnosti o Prijedlogu zakona o Agenciji za razvoj informacionog društva BiH (zakon u drugom čitanju);
11. Informacija o provođenju zakona iz oblasti obrazovanja donesenih na nivou Bosne i Hercegovine (materijal: Vijeća ministara BiH – Ministarstvo civilnih poslova BiH);
12. Davanje saglasnosti za ratifikaciju:
 - a) Sporazuma o saradnji u oblasti turizma između Vijeća ministara BiH i Hašemitske Kraljevine Jordan,
 - b) Sporazuma o grantu Globalnog fonda za okoliš između Bosne i Hercegovine i Međunarodne banke za obnovu i razvoj kao Agencije za realizaciju sredstava Globalnog fonda za okoliš – Projekat upravljanja Neretvom i Trebišnjicom,
 - c) Evropske konvencije o zaštiti arheološke baštine (revidirana) iz 1992. godine,
 - d) Konvencije o zaštiti podvodne kulturne baštine, Pariz, 2. novembra 2001.,
 - e) Međunarodne konvencije protiv dopinga u sportu, Pariz, 19. oktobra 2005.,
 - f) Okvirne konvencije Vijeća Evrope o vrijednosti kulturne baštine za društvo, Pariz, 27. oktobra 2005. godine.

Ad. 1. 2.

Dom je u predloženom tekstu u drugom čitanju usvojio:

- Zakon o izmjenama i dopunama Zakona o zaštiti tajnih podataka i
- Zakon o izmjenama i dopunama Zakona o Obavještajno-sigurnosnoj agenciji BiH.

Ad. 3.

Zakon o genetski modificiranim organizmima usvojen je u drugom čitanju sa sljedećim amandmanima:

Amandman I

U članku 1. u stavku (2) riječi: «genetski modificiranu hranu i hranu za životinje» zamjenjuju se riječima: «genetski modificirane organizme i proizvode od genetski modificiranih organizama, kao i žive modificirane organizme».

Amandman II.

U članu 2. u tački 25) nakon riječi : „, u poslovanju“ dodaju se riječi: „, sa GMO-om“.

Amandman III.

Član 3. mijenja se i glasi:

„Član 3.

(Nadležni organi)

(1) U smislu ovog zakona, nadležni organi su: Agencija za sigurnost hrane Bosne i Hercegovine (u daljnjem tekstu: Agencija), Ured za veterinarstvo Bosne i Hercegovine, Uprava Bosne i Hercegovine za zaštitu zdravlja bilja, organi entiteta, kantona i Brčko Distrikta BiH nadležni za oblast poljoprivrede, šumarstva i vodoprivrede, oblasti zdravstva i zaštite okoliša.

(2) Za provođenje ovog zakona, u slučaju kada se GMO i/ili proizvodi koji sadrže i/ili se sastoje i/ili potiču od GMO-a:

a) ograničeno upotrebljavaju u kontroliranom zatvorenom sistemu, nadležna su entitetska ministarstva nadležna za pitanja nauke uz saglasnost organa entiteta, kantona i Brčko Distrikta BiH nadležnih za oblast poljoprivrede, šumarstva i vodoprivrede i mišljenja ostalih nadležnih organa;

b) namjerno unose u okoliš, nadležna su entitetska ministarstva za pitanja poljoprivrede, vodoprivrede i šumarstva, uz prethodno pribavljeno mišljenje ministarstva zdravstva i ministarstava nadležnih za zaštitu okoliša;

c) stavljaju na tržište;

1) kao hrana ili hrana za životinje, nadležna je Agencija uz prethodno pribavljeno mišljenje nadležnih organa;

2) kao reprodukcioni materijal u poljoprivredi i šumarstvu ili kao sredstva za zaštitu bilja, nadležna je Uprava Bosne i Hercegovine za zaštitu zdravlja bilja uz saglasnost organa entiteta, kantona i Brčko Distrikta BiH nadležnih za oblast poljoprivrede, šumarstva i vodoprivrede;

3) kao lijekovi ili reprodukcioni materijal u veterinarstvu, nadležan je Ured za veterinarstvo BiH uz prethodno pribavljeno mišljenje nadležnih organa;

4) prilikom upotrebe GMO-a i/ili proizvoda koji sadrže i/ili se sastoje i/ili potiču od GMO-a u kozmetici, farmaciji ili zdravstvenoj zaštiti ljudi, nadležna su entitetska ministarstva zdravstva i Brčko Distrikta BiH uz prethodno pribavljeno mišljenje nadležnih organa;

5) za inspeksijski nadzor označavanja u prometu GMO-a i/ili proizvoda koji sadrže i/ili se sastoje i/ili potiču od GMO-a, nadležne su entitetske uprave za inspeksijske poslove, kantonalne inspekcije, inspekcije u okviru lokalnih organa uprave i Inspektorat Vlade Brčko Distrikta BiH.

(3) Nadležni organi iz st. (1) i (2) ovog člana provodit će službene kontrole, inspeksijski i upravni nadzor u skladu s važećim zakonskim propisima u Bosni i Hercegovini, entitetima i Brčko Distriktu BiH. Nadležni organi dužni su da međusobno sarađuju. Naučno-stručno tijelo osnovano u skladu s ovim zakonom dužno je nadležnim organima uprave iz st. (1) i (2) ovog člana pružiti stručnu pomoć u provođenju ovog zakona.

(4) Agencija je centralno i koordinaciono tijelo za obavljanje stručnih poslova u vezi sa GMO-om.”

Amandman IV.

U članu 4. u stavu (1) riječ „ovoga“ mijenja se riječju „tog“.

Amandman V

Član 5. mijenja se i glasi:

„Član 5.
(Izuzeci od primjene)

(1) Odredbe ovog zakona ne primjenjuju se na:

a) genetske modifikacije koje se dobivaju primjenom jedne od sljedećih metoda (pod uslovom da ne obuhvataju korištenje rekombinantnih molekula nukleinske kiseline ili GMO-a različitih od onih proizvedenih jednom ili više tehnika/metoda navedenih u nastavku):

1) mutageneza;

2) ćelijska fuzija (uključujući i fuziju protoplasta) biljnih ćelija organizama koji mogu razmjenjivati genetski materijal tradicionalnim uzgojnim metodama.

b) ograničenu upotrebu GMO-a koji nisu štetni za zdravlje ljudi i okoliš prema kriterijima određenim posebnim propisom;

c) kopneni, željeznički, zračni, pomorski i riječni transport GMO-a;

d) postupanja sa živim modificiranim organizmima koji su opasni po okoliš na koje se primjenjuju odredbe posebnih propisa kojima se uređuju transport, tranzit i postupanje s opasnim tvarima, ako ovim zakonom ili na osnovu njega donesenim propisom nije drugačije određeno;

e) samokloniranje koje se sastoji od uklanjanja sekvenci nukleinske kiseline iz ćelije organizma koje može ali i ne mora biti praćeno ponovnim umetanjem cijele ili sekvence te nukleinske kiseline (ili sintetičkog ekvivalenta), sa ili bez prethode enzimske ili mehaničke faze, u ćelije iste vrste ili u ćelije filogenetički blisko srodnih vrsta, koje mogu izmjenjivati genetički materijal prirodnim fiziološkim procesima, gdje ne postoji vjerovatnoća da će dobiveni mikroorganizam izazvati bolest kod ljudi, životinja ili biljaka.

Samokloniranje može uključivati upotrebu rekombinantnih vektora s već poznatom praksom sigurne upotrebe u određenom mikroorganizmu.”

Amandman VI.

U članu 17. u stavu (2) tačka d) glasi:

„d) „sadržaj mišljenja Vijeća za GMO.“

U stavu (2) tačka e) briše se.

Amandman VII.

U članu 22. u stavu (3) u tački c) na kraju teksta dodaje se riječ „korisnika.“

Nakon tačke c) ostale tačke postaju tačke d),e),f) i g).

Amandman VIII.

U članu 23. u stavu (1) u tački b) riječ „Odbora“ zamjenjuje se riječima: „Vijeća za GMO“.

U stavu (2) riječi: „Odbor za ograničenu upotrebu GMO-a dužan je“ zamjenjuju se riječima: „Vijeće za GMO dužno je“.

Amandman IX.

U članu 27. u stavu (2) riječi: „Odbora za ograničenu upotrebu GMO-a“ zamjenjuju se riječima: „Vijeća za GMO“.

U stavu (3) riječi: „Odbor za ograničenu upotrebu GMO-a dužan je“ zamjenjuju se riječima: „Vijeće za GMO dužno je“.

U stavu (4) riječi: „Odbora za ograničenu upotrebu GMO-a“ zamjenjuju se riječima: „Vijeća za GMO“.

Amandman X.

U članu 28. u stavu (2) riječi: „Odbora za ograničenu upotrebu GMO-a“ zamjenjuju se riječima: „Vijeća za GMO“.

U stavu (4) riječi: „Odbor za ograničenu upotrebu GMO-a dužan je“ zamjenjuju se riječima: „Vijeće za GMO dužno je“.

Amandman XI.

U članu 38. u stavu (1) riječi: „Odbora za unošenje GMO-a u okoliš“ zamjenjuju se riječima: „Vijeća za GMO“.

U stavu (3) riječi: „Odboru za unošenje GMO-a u okoliš“ zamjenjuju se riječima: „Vijeću za GMO“.

U stavu (4) riječi: „Odbor za unošenje GMO-a u okoliš“ zamjenjuju se riječima: „Vijeće za GMO“.

U stavu (5) riječi: „Odbor za unošenje GMO-a u okoliš dužan je“ zamjenjuju se riječima: „Vijeće za GMO dužno je“.

Amandman XII.

U članu 40. u stavu (3) riječ „dijela“ mijenja se riječju: „poglavlja“.

Amandman XIII.

U članu 44. u stavu (1) iza riječi „pribavljenog“ dodaje se riječ „pozitivnog“, riječi: „Odbora za unošenje GMO-a u okoliš“ zamjenjuju se riječima: „Vijeća za GMO“ a na kraju teksta dodaju se riječi:

„GMO-a ili proizvoda od GMO-a“.

Amandman XIV.

U članu 45. stav (4) postaje stav (3).

Amandman XV.

U članu 46. u stavu (1) riječi: „Odbora za unošenje GMO-a u okoliš“ zamjenjuju se riječima: „Vijeća za GMO“.

U članu 46. u stavu (2) riječi: „Odbor za unošenje GMO-a u okoliš dužan je“ zamjenjuju se riječima: „Vijeće za GMO dužno je“.

Amandman XVI

U članu 47. stav (1) tačka b) mijenja se i glasi:

b) pribavljanja pozitivnog mišljenja Vijeća za GMO;

Amandman XVII.

U članu 50. u stavu (5) riječi: „nadležnog odbora“ zamjenjuju se riječima: „Vijeća za GMO“.

Amandman XVIII.

U članu 51. u stavu (4) riječi: „će se upotrebljavati“ zamjenjuju se riječima: „se upotrebljavaju“.

Nakon stava (4) ostali stavovi postaju stavovi (5) i (6).

Amandman XIX.

U članu 53. u stavu (4) riječi: „provodit će“ zamjenjuju se riječju „provode“.

Amandman XX.

U članu 54. u stavu (1) u tački b) i c) riječ „te“ briše se.

U stavu (2) riječi: „propisat će“ zamjenjuje se riječju „propisuje“.

Amandman XXI.

Naziv Poglavlja VII. mijenja se i glasi: „NAUČNO-STRUČNO TIJELO ZA PROVOĐENJE ZAKONA“.

Član 55. mijenja se i glasi:

„Član 55.

(Vijeće za GMO)

(1) Radi praćenja stanja i razvoja u oblasti rukovanja GMO-om i pružanja stručne pomoći nadležnim organima u provođenju ovog zakona, Vijeće ministara BiH, na prijedlog Agencije, sa liste kandidata iz naučnih, stručnih i obrazovnih institucija iz entiteta i Brčko Distrikta BiH, odlukom bira Vijeće za GMO na mandat od četiri godine, s tim da mogu biti imenovani na još jedan mandat.

(2) Vijeće za GMO ima sedam članova, koji se biraju isključivo između eminentnih naučnika i stručnjaka iz oblasti mikrobiologije, genetike, medicine, veterinarske medicine, biohemije, molekularne biologije, farmacije, biotehnologije, poljoprivrede, šumarstva, prava, zaštite na radu, zaštite prirode i zaštite okoliša, vodeći računa o ravnopravnoj zastupljenosti svih naroda i odgovarajućoj zastupljenosti entiteta i Brčko Distrikta BiH.

(3) Vijeće za GMO među svojim članovima bira predsjednika i njegovog zamjenika. Vijeće za GMO je samostalno i nezavisno tijelo i njegov rad je javan. Vijeće za GMO odlučuje većinom glasova, koja uključuje najmanje po jednog predstavnika svakog entiteta i svakog konstitutivnog naroda.

(4) Vijeće za GMO donosi poslovnik kojim uređuje način rada.

(5) Sredstva za rad Vijeća za GMO i obavljanje stručno-administrativnih poslova osiguravaju se u Budžetu institucija Bosne i Hercegovine.“

Amandman XXII.

Član 56. mijenja se i glasi:

„Član 56.

(Zadaci Vijeća za GMO)

(1) Vijeće za GMO obavlja sljedeće poslove:

- a) daje mišljenja o upotrebi GMO-a u upravnim postupcima i drugim postupcima po zahtjevu nadležnih organa u skladu s ovim zakonom;
- b) daje mišljenje i prijedloge u pripremi propisa o upotrebi GMO-a;
- c) daje mišljenja i prijedloge nadležnim organima državne uprave o pitanjima upotrebe GMO-a;
- d) prati stanje i razvoj u oblasti korištenja genetičke tehnologije i upotrebe GMO-a;
- e) prati naučno-stručna dostignuća i daje mišljenja u vezi s upotrebom genetičke tehnologije i upotrebom GMO-a;

- f) daje mišljenja u vezi sa socijalnim, etičkim, tehničkim i tehnološkim, naučnim i drugim uslovima korištenja GMO-a;
- g) savjetuje nadležne organe o pitanjima vezanim za upotrebu GMO-a i genetičke tehnologije;
- h) izvještava javnost putem medija i stručnih skupova o stanju i razvoju u oblasti upotrebe genetičke tehnologije i upotrebe GMO-a, te o svojim stavovima i mišljenjima;
- i) obavlja i druge stručne poslove propisane ovim zakonom i propisima donesenim na osnovu njega.
- (2) Vijeće za GMO podnosi godišnji izvještaj o radu. Izvještaj se podnosi Agenciji koja o izvještaju informira Vijeće ministara i objavljuje ga na način dostupan javnosti.”

Amandman XXIII.

Član 57. briše se.

Brisanjem člana 57. članovi 58.do 73. postaju članovi 57. do 72.

Amandman XXIV.

U članu 62. koji je postao član 61. u stavu (1) iza riječi „nadležni“ dodaje se riječ „inspekcijski“.

Amandman XXV.

U tekstu Prijedloga zakona vrše se normativno-tehničke ispravke u sljedećim odredbama:

U članu 4. u tački a) brojevi članova: „11. i 36.“ zamjenjuju se brojevima: „10. i 35.“,

U članu 64. koji je postao član 63. u tački b) broj člana: „29.“ zamjenjuje se brojem: „27.“.

U članu 65. koji je postao član 64. u tački a) broj člana „17.“ mijenja se brojem „16.“ u tački b) broj člana „19.“ mijenja se brojem „18.“, u tački c) broj člana „21.“ mijenja se brojem „20.“ u tački d) brojevi članova: „23. i 24.“ mijenjaju se brojevima: 22. i 23.“, u tački e) broj člana „25.“ mijenjaju se brojem „24.“, u tački f) broj člana „26.“ mijenja se brojem „25.“, u tački g) broj člana „26.“ mijenja se brojem „25.“, u tački h) broj člana „27.“ mijenja se brojem „26.“, u tački i) broj člana „29.“ mijenja se brojem „28.“, u tački j) brojevi članova: „30. i 31.“ mijenjaju se brojevima: „29. i 30.“, u tački k) broj člana „32.“ mijenja se brojem „31.“, u tački l) broj člana „32.“ mijenja se brojem: „31.“, u tački m) broj člana „33.“ mijenja se brojem „32.“, u tački n) brojevi članova: „36. i 37.“ mijenjaju se brojevima: „35. i 36.“, u tački o) broj člana „40.“ mijenja se brojem „39.“, u tački p) broj člana „41“ mijenja se brojem: „40.“, u tački r) broj člana: „42.“ mijenjaju brojem „41.“, u tački s) brojevi članova: „43. i 48.“ mijenjaju se brojevima: „42. i 47.“, u tački t) broj člana „51.“ mijenja se brojem „50.“, u tački u) brojevi članova: „52. i 53.“ mijenjaju se brojevima: „51. i 52.“, u tački v) broj člana „55.“ mijenja se brojem „54.“, u tački z) broj člana „15.“ mijenja se brojem „14.“ u tački aa) broj člana „16.“ mijenja se brojem „15.“,

U članu 66. koji je postao član 65. u stavu (1) i (2) brojevi članova: „65. i 66.“ mijenjaju se brojevima: „63. i 64.“.

U članu 67. koji je postao član 66. brojevi članova: „65. i 66.“ mijenjaju se brojevima: „63. i 64.“.

Amandman XXVI.

U članu 70. koji je postao član 69. u stavu (2) broj člana 72. zamjenjuje se brojem „71“.

Napomena: Ustavnopravna komisija Predstavničkog doma sačinila je prečišćeni tekst Prijedloga zakona – tj. Ugradila gore navedene amandmane, pa vam se tekst zakona dostavlja radi lakšeg praćenja.

Ad. 4.

Prijedlog zakona o dopuni Zakona o carinskoj tarifi BiH usvojen je u prvom čitanju, sa zaključkom predloženim u Mišljenju nadležne komisije o principima predloženog zakona, koji glasi:

„Zadužuje se Ministarstvo vanjske trgovine i ekonomskih odnosa BiH da (u saradnji s Vanjsko-trgovinskom komorom BiH) sačini listu proizvoda prema potrebama i drugih proizvođača i prerađivača iz oblasti poljoprivredne proizvodnje, metalne i tekstilne industrije i slično koji imaju potrebu za dobivanje olakšica, bez plaćanja carine za uvoz određenih kvota sirovine s ciljem podsticaja i konkurentnosti domaće proizvodnje. Navedenu listu dostaviti najkasnije do razmatranja Prijedloga zakona u drugom čitanju“.

Ad. 5.

Prijedlog zakona o izmjenama i dopunama Zakona o državljanstvu BiH usvojen je u prvom čitanju.

Ad. 6.

Prijedlog zakona o kontroli kretanja oružja i vojen opreme u prvom čitanju nije dobio entitetsku većinu, pa će se provesti usaglašavanje u Kolegiju Doma kao komisiji.

Ad. 7.

Dom nije usvojio Mišljenje Zajedničke komisije za odbranu i sigurnost o Prijedlogu zakona, koje je po peti put bilo negativno. U skladu s Poslovníkom, Zajednička komisija dužna je dostaviti novo mišljenje o principima Prijedloga zakona o graničnoj kontroli.

Ad. 8.

Predstavnički dom nije usvojio Mišljenje Zajedničke komisije za odbranu i sigurnost o Prijedlogu zakona o oružju, pa slijedi ponovno razmatranje principa predloženog zakona i dostavljanje novog mišljenja.

Ad. 9.

Dom je, na zahtjev Zajedničke komisije za odbranu i sigurnost, odobrio produženje roka od 15 dana za dostavljanje Izvještaja o Prijedlogu zakona o izmjenama i dopunama Zakona o proizvodnji naoružanja i vojne opreme.

Ad. 10.

Nakon usaglašavanja u Kolegiju kao komisiji, u drugom krugu glasanja, Dom je usvojio Zakon o Agenciji za razvoj informacionog društva BiH, sa sljedećim amandmanima:

Amandman I.

Naziv zakona mijenja se i glasi: „Zakon o Agenciji za informaciono društvo Bosne i Hercegovine.“

Amandman II.

U članu 1. riječi: „razvoj informacionog društva“ zamjenjuju se riječima: „informaciono društvo“.

Amandman III.

U članu 2. iza tačke e) dodaju se nove tačke f) i g) koje glase:

f) „Institucije Bosne i Hercegovine; državni organi Bosne i Hercegovine, uprave i upravne organizacije, javna preduzeća i druge ustanove na državnom nivou“;

g) „Informatizacija: set aktivnosti kojim se tehnološki, upotrebom IKT-a, unapređuju poslovni procesi, procesi odlučivanja i sveobuhvatan rad određenog pravnog i/ili poslovnog subjekta“.

Amandman IV.

Član 3. mijenja se i glasi:

„Agencija je zadužena za razvoj i promociju informacionog društva u Bosni i Hercegovini (u daljnjem tekstu: BiH).“

Amandman V.

U članu 6. vrše se sljedeće izmjene i dopune:

- stav (1) mijenja se i glasi: „Sjedište Agencije odredit će Vijeće ministara BiH rukovodeći se kriterijem entitetsko-regionalne ravnomjerne raspodjele sjedišta institucija BiH“;

-u stavu (3) iza riječi "prijedlog" dodaje se riječ "Vijeća".

Amandman VI.

Član 7. mijenja se i glasi:

„Sredstva potrebna za finansiranje rada Agencije osiguravaju se iz budžeta institucija Bosne i Hercegovine i međunarodnih obaveza Bosne i Hercegovine i ostvarenih samostalnih prihoda“.

Amandman VII.

U članu 8. stav (1) tačka e) i tačka n) u stavu (3) mijenjaju se i spajaju u novu tačku stava (2) istog člana, tako da se iza tačke k) dodaje nova tačka l) koja glasi:

l) „koordinacija i verifikacija aktivnosti na strateškim projektima za razvoj informaciono-komunikacione infrastrukture, od važnosti za državu“.

Amandman VIII.

U članu 8. u stavu (2) tačka c) postaje tačka d) u stavu (3) istog člana, a u istom članu u stavu (3) tačka j) postaje tačka c) stava (2).

U članu 8. u stavu (3) dosadašnja tačke d) briše se.

Amandman IX.

U članu 8. u stavu (1) vrše se sljedeće izmjene i dopune:

- u tački a) riječi: "Reklamne uloge" zamjenjuju se riječju "Promocijom“;
- u tački b) riječi: "Politike i Strategije" pisati malim početnim slovom;
- tačke c) i d) mijenjaju se i spajaju se u tačku c) koja glasi:
- c) „priprema operativnih sektorskih planova i realizacije akcionog plana razvoja informacionog društva u institucijama BiH“;
- tačka f) briše se;
- u tački g) iza riječi „centara“ briše se zarez i ostali dio teksta;
- tačka i) briše se;
- u tački k) riječ „Foruma“ piše se malim slovom, a na kraju teksta iza zagrada dodaju se riječi: „na državnom nivou“;
- tačka l) briše se;
- tačka „m“ briše se;
- u tački n) riječi: "tehnologija informacionog društva" zamjenjuju se riječima: "informaciono-komunikacionih tehnologija";
- tačka o) mijenja se i glasi: „Iniciranje i koordiniranje aktivnosti za optimalno korištenje informaciono – komunikacione infrastrukture u BiH“;
- u tački p) riječi "pri provođenju" brišu se;
- tačka r) mijenja se i glasi: „Saradnja sa svjetskim institucijama za informaciono društvo“;
- tačka s) mijenja se i glasi: „Poticanje razvoja digitalizacije domaćih sadržaja i usluga u oblastima od javnog interesa“
- u tački t) riječi: "osnovnih i proširenih" i riječ "...e-vlade" brišu se, dodaje se riječ „elektronskih“ ispred riječi „servisa“ a na kraju teksta dodaju se riječi: „ na državnom nivou“.

Amandman X.

U članu 8. stav (2) vrše se sljedeće izmjene i dopune:

- u tački d) na kraju teksta dodaju se riječi: „na državnom nivou“;
- u tački f) na kraju teksta dodaju se riječi: „na državnom nivou“;
- u tački g) riječ „Koordinacija“ zamjenjuje se riječju „Stručne“;
- tačka k) briše se;
- tačka j) mijenja se i glasi:
- j) „pružanje stručne i tehnološke pomoći u okviru borbe protiv visokotehnološkog kriminala i piraterije, ako drugim zakonom nije drugačije određeno“.

Amandman XI.

U članu 8. u stavu (3) vrše se sljedeće izmjene i dopune:

- iza riječi: "za standardizaciju" riječi: "i koordinaciju" brišu se.
- u tački c) iza riječi: "u nadležnosti" dodaje se riječ „pojedinih“, a iza riječi "ministarstava" dodaju se riječi: „u Vijeću ministara“, a riječi: "institucija i tijela" zamjenjuju se riječima: „i drugih institucija BiH“.
- u tačkama h) i j) iza riječi: "i drugih organa", dodaje se riječ „državne“ ;
- tačke: d), f), g), i), i l) brišu se.

Amandman XII.

Član 11. mijenja se i glasi:

"(1) Agencija ima Vijeće, koje učestvuje u formuliranju strateških pitanja provođenja zakona, konsultira se s direktorom i od njega prima informacije. Vijeće Agencije (u daljnjem tekstu: Vijeće) daje mišljenje o kodeksu rada Agencije.

(2) Vijeće ima sedam članova koji se kandidiraju na osnovu svojih ličnih sposobnosti kao pojedinci koji imaju pravno, ekonomsko, tehničko ili drugo relevantno iskustvo i priznati su stručnjaci u oblasti IKT-a. Vijeće ima po dva člana iz konstitutivnih naroda i jednog člana iz reda ostalih.

(3) Članovi Vijeća imenuju se na mandat od četiri godine i mogu biti ponovo imenovani samo na još jedan mandat. Članovi Vijeća između sebe biraju predsjedavajućeg. Vijeće se sastaje najmanje jednom mjesečno.

(4) Direktor Agencije, njegov zamjenik i predsjedavajući Vijeća moraju biti iz različitih konstitutivnih naroda.

(5) Direktor Agencije podnosi informaciju Vijeću o strateškim pitanjima rada Agencije. Direktor Agencije prisustvuje svim sastancima Vijeća.“

Amandman XIII.

U članu 12. stav (3) mijenja se i glasi:

“ Članove Vijeća imenuje Vijeće ministara BiH na osnovu liste kandidata koju, nakon provedene procedure javnog poziva, utvrdi Ministarstvo komunikacija i prometa BiH. Lista mora sadržavati veći broj kandidata od broja članova Vijeća koji se imenuju.“

Amandman XIV.

U članu 15. u stavu (3) iza riječi „agencije“ riječ "godišnje" briše se.

U istom članu dodaje se novi stav (4) koji glasi:

„Mandat predsjedavajućeg traje četiri godine bez mogućnosti ponovnog imenovanja“.

Amandman XV.

U članu 18. vrše se sljedeće izmjene i dopune:

- u stavu (1) iza riječi: "direktor Agencije" stavlja se tačka, a ostatak teksta briše se.

- iza stava (1) dodaje se novi stav (2) koji glasi:

„Direktor ima jednog zamjenika.“

U nastavku teksta zamjenik direktora navodi se u jednini.

Dosadašnji stav (2) postaje stav (3) a stav (3) postaje stav (4).

Iza stava (4) dodaje se novi stav (5) koji glasi:

„Osim općih uslova utvrđenih zakonom, direktor i zamjenik direktora moraju imati:

a) visoku stručnu spremu – elektrotehnički ili drugi tehnički fakultet sa usmjerenjem računarske tehnike ili informatike;

- b) iskustvo u oblasti razvoja informacionog društva;
- c) iskustvo u međunarodnim odnosima u oblasti informacionog društva ili informacionih i komunikacionih tehnologija;
- d) pet godina radnog iskustva na rukovodećim poslovima u oblasti informacionih i komunikacionih tehnologija;
- f) znanje engleskog jezika."

Amandman XVI.

U članu 19. vrše se sljedeće izmjene i dopune:

- u stavu (1) u tački a) iza riječi „rukovodi“ brišu se zarez i riječi: "u saradnji sa zamjenicima" .
- u stavu (1) u tački c) riječi: „da Agencija posluje u skladu s ovim i posebnim zakonima" zamjenjuju se riječima: "zakonitost rada Agencije".
- u stavu (1) u tački d) riječ „predlaže“ zamjenjuje se riječju „donosi“
- u stavu (1) tačka g) briše se.
- u stavu (2) riječ "zamjenici" zamjenjuje se riječju "zamjenik", riječ "pomažu" riječju "pomaže", a riječ "mogu" riječju "može".
- u stavu (3) iza riječi "ovlašćuje" riječi: "jednog od" brišu se.

Amandman XVII.

U članu 22. u stavu (1) riječi: „prema zakonima, propisima i standradima BiH i međunarodnim standardima i to najkasnije dvije godine nakon osnivanje agencije“ zamjenjuju se riječima: "u skladu sa BAS EN ISO 9001".

Ad .11.

Predstavnički dom primio je k znanju Informaciju o provođenju zakona iz oblasti obrazovanja donesenih na nivou Bosne i Hercegovine.

Ad. 12.

Dom je dao saglasnost za ratifikaciju svih akata iz ove tačke.

S poštovanjem,

PREDSJEDAVAJUĆI
PREDSTAVNIČKOG DOMA
Beriz Belkić